

欽定大清會典事例

欽定大清會典卷一千一百六十二

步軍統領

營制 訓練 白塔信礮一

訓練○康熙十三年定八旗步軍統計二萬一千餘名內八旗漢軍鳥槍步軍千六百十有七名正黃正紅兩旗朝鮮佐領下鳥槍步軍百二十名共鳥槍步軍千七百三十七名每歲操演應用火藥等物均由工部支領○雍正七年議准步軍統領衙門會同工部官將內九門城上舊有火藥二十六萬斤陸續更換新藥備儲○

十二年奏准。鳥槍步軍千七百餘名。改為箭手。演習步射。所存鳥槍。撤交工部。九門向各額設守門馳騎二十名。礮手二名。嗣後令守門馳騎。學習鳥槍。每年自二月起。至立夏日止。立秋日。起。至立冬日止。共演槍六月。每逢五逢九日。演槍六次。每次每人演槍六出。開操之時。均令該翼步軍翼尉。督率該城門領等。輪番查閱。務期熟練。其所用鳥槍。即於前項撤交數內。揀選堪用者。如數給發。需用演槍火藥火繩等項。按月照例於工部支領。○又奏准。點驗軍器時。步營

弁兵之甲袖甲裙。毋庸補製。止令製造頭盔甲
褂。稱體適用。○乾隆六年議准。巡捕三營。動支
朋扣餘銀。製備步兵盔甲。工竣造報。工部覈銷。
○又奏准。巡捕營。每營設立鳥槍百杆。帳房八
十架。共需鳥槍三百杆。帳房二百四十架。在於
工部庫儲項內。揀選撥給。步軍統領轉飭該管
各官。將所給帳房。加謹收儲。其鳥槍督率兵丁
勤加練習。每年自二月十六日起。至立夏日止。
立秋日起。至立冬日止。每兵每日演槍五出。應
用火藥。行文工部。按季領取。並令三營參將遊

擊。每月逢三逢八日。考閱弁兵弓箭。守備每月逢一逢六日。操演本汛兵丁。務使技藝精熟。以整戎行。○七年議准。工部會同兵部。各委司官帶領匠作。將內城九門外城永定東便二門。舊設大小銅鐵礮。逐細點驗。除不堪用之大小礮九十二位外。堪用之大小銅鐵礮共一千八百七十二位。均係存儲年久之物。俟八旗演礮之日。將各城門堪用礮位。交與工部。揀選二百位。隨同八旗之礮。運至盧溝橋演放驗看。即於此內揀選一百六十位。將內外十有六門。各安設

十位。以備捍衛。所需礮車。交與工部照數造給。其每次演放。應需腳費。於戶部撥給。應備鐵子火藥等項。現在各城存儲火藥二十六萬斤。係雍正七年。陸續更換之新藥。東直門大樓內。現存大小鐵礮子一千八百分。撥與各門。均足敷用。毋庸再行備辦。其演礮所需烘藥火藥鉛彈白布等物。照八旗之例。於戶工二部支領。至所需礮手。內城九門。每門原額設二名。於守門兵丁內選補。其外城七門。照例令步軍統領。亦於現在守門兵丁內。各選補礮手二名。令其學習。

放礮。以供將來演放之用。再八旗漢軍礮位。係三年一次演放。原為操演火器營兵丁而設。此項城門儲礮。改為每屆九年。照例運至盧溝橋。隨八旗礮位。令漢軍火器營。協同演放。其運送車費及火藥礮子等項。臨期令步軍統領酌量辦理。至此外未經演放之各門存礮。仍照舊謹慎收儲各門城上。○九年奏准。工部委官驗明各城門安設礮位。可以成就礮車者。止有七十九位。餘均小礮。不堪應用。隨於八旗礮局。餘存銅鐵大礮。撥給一百十有九位。以敷安設。今屆

八旗演礮之時。將各城門存儲大礮。並八旗礮局撥給餘存大礮。共一百九十八位。運至盧溝橋。試放揀選堪用者。僅一百四十二位。各城門不敷分布。酌定內城九門。各安設十位。外城七門。各安設五位。其餘贖堪用礮十有七位。交各旗礮局存儲。如有應用之處。再行動撥。其廢礮五十有六。亦交與八旗存儲礮局。○十八年奏准。各城門礮仍照舊例停止演放。○四十六年議准。巡捕營防衛較之外省營鎮。更關重大。向來三營馬步兵。五十一百名。係馬三步七。今添

兵四千九百名。共額一萬。內馬兵四千名。戰兵三千名。守兵三千名。所添馬兵二千五百三十名。每名給馬一匹。又原設鳥槍三百杆外。再添七百杆。令五營將備等官。每遇春秋演放。勤為訓練。輪流合操。步軍統領按期親加驗看。照例賞罰。以示勸懲。所用槍子器械。由戶兵二部照例覈明給發。○四十七年奏准。正陽等十六門。存儲大小銅礮。西瓜礮。信礮。共二千六十三位。內有損鏽不堪演放者。交戶兵二部逐加詳看。妥為修理。以備礮手輪流隨同八旗演放。其不

堪修理者。交內務府辦理。至應用鉛彈火藥。及一切器具。酌量修理更換領用之處。分別辦理。再各門礮位。有十餘位。至一二百位不等。多寡不均。於修理妥協後。均各分門存儲。○嘉慶四年。覆准正陽等十六門。存儲礮共一千九百三十七位。內除各城信礮五十七位。並例不出演之三千斤以上。及歷年久存各礮外。其堪以演放之得勝等礮九十四位。又神機神樞礮一千七百二十九位。膛寬口大。試放不能及遠。應於神機神樞礮內。擇其損壞銹蝕者。八百二十六

位。改鑄得勝大礮一百六十位。又於現存礮內。揀選八十位。共成二百四十位。分門存儲。歸於步軍統領專管。每年輪演礮六十位。四年而周。至期隨同礮營前往學習演放。○五年奏准。神機神樞礮八百二十六位。暫停改鑄得勝大礮一百六十位。俟秋閒多用鉛子。以布包裹合其膛口之寬。將火藥配勻。裝入施放。若果合式。及百步之外。即可毋庸改造。○六年奏准。上年演放神機神樞礮位。先試放碎小鉛丸。復試放單丸。俱能中牌於百步之外。是以照舊存儲。奏

定每年隨同礮營演六十位。此礮現存各城之上。是步軍統領衙門專責。而各門俱設有礮手。每年隨同礮營試演。此時皆能如法點放。毋庸學習。至所設礮手。如不敷用。即在五營槍兵內。擇其年力精壯者。令其幫助礮手。學習演放。嗣後各門所儲之神機神樞礮一千七百二十九位。毋庸隨同礮營演放。專歸步軍統領衙門經管。於每年春季運礮二百位。不用鉛丸。止放火藥一次。以便出鏑。至秋季即將此出鏑礮二百位。安放單九演放一次。臨期奏請於步軍統領

暨兩翼總兵內

簡派一員會同

欽派演放八旗礮位之大臣。公同監視。並毋庸請領
辟丸。致滋糜費。所有每年應用彈丸火藥等項
覈實數目。由工部領取。其運礮車價及官兵飯
食銀兩。由房租項下動用。其中牌成數。以每十
出中六出為合。或中少中。俱照八旗礮營之
例辦理。○七年奏准。神機神樞礮位。原為護城
之用。膛寬口大。俱無星斗。與裝用彈丸之礮。式
樣迥不相同。嗣後每年春季毋庸出鑄。秋季將

各門神機神樞礮勻配一百位。運赴盧溝橋。仍用碎丸演放。出鏤一次。碎丸所散廣闊。到處皆能中牌。毋庸計算成數。至碎丸鎔化入地。不能照數棟回。即以棟得之數咨部實銷。○十八年奏准。五營槍兵八百名。按月操演二十日。先由工部豫領火藥一千五百斤。烘藥十五斤。火繩八百丈。分交五營遊擊。在適中公所加謹封儲。以便兵丁領取。出陳易新。○又奏准。內九門額設鳥槍一百八十杆。令各門門甲。分春秋二季操演。每季操演九次。先由工部豫領火藥二百

二斤八兩。烘藥二斤四錢。火繩一百六十二丈。分交各城門領。在各門官所加謹封儲。以備出陳易新。○又奏准。五營各門槍兵。春秋二季合操。於演習陣式後。演打鉛丸一次。需用鉛子木牌。俱動公項置備。交該遊擊門領等。與火藥火繩。一併存儲備用。○道光二十二年。奏准。挑定技勇兵。以一千名入隊。演打鳥槍三進四連環。以三百二十人為護槍兵。均編列五人為伍。十人成隊。各令什長執旗。帶領出陣。合成陣式。○又奏准。技勇兵一千七百六十四缺。設立鳥槍

兵一千名。滿洲挑取八成。蒙古挑取二成。護槍
技勇兵三百二十名。旗長一百名。隊長一百名。
技勇什長三十二名。八旗金鼓兵四十名。海螺
兵四十名。金頂領催三十二名。六品領催十六
名。虛銜委步軍校八員。其餘七十六缺。分在四
場。經理冊檔。收護器械輪班直宿。上隊護纛傳
令等差。○又奏准。四場步軍校。由技藝兵出身
之步軍校內。與健銳營火器營出身之員。一併
挑取。每旗二員。專管教練鳥槍弓箭。並辦理本
場事務。每旗教習二名。教練長槍腰刀。排演陣

式著有成效照章以應升之缺儘先升用。步軍校著有成效亦各予應升儘先以示鼓勵。其官員教習等教練之賢否與兵丁演習之勤惰均各責成兩翼翼尉副翼翼督率稽覈。○又奏准槍兵一千杆所需火藥等項每月按十五天由工部支領。每日每槍五出。此外每月加演打鉛丸火藥等項三次。每槍三出。並照五營槍兵之例。先由工部豫領一月火藥烘藥火繩分在四場封儲。以便兵丁易於領取。○又奏准由武備院選擇堅固堪用之鳥槍一千杆。交新設技勇

兵演習。其原設烏槍一千杆。仍留本場備用。○

又

諭前據步軍統領衙門奏。酌改另戶步甲額缺。歸併錢糧。作為技勇兵。以備操防。當交軍機大臣會同該部議奏。茲據酌議具奏。朕詳加批閱。所議各條。均可照辦。惟是兵丁技勇。全在訓練嚴明。始足備干城之選。儻日久生懈。仍復視為具文。則徒有技勇之名。而無技勇之實。亦何庸改立章程為耶。嗣後著責成該管衙門。將所挑兵丁。勤加操練。務期一律精熟。於一二年後。著有成效。方為覈實認真。如查有施放槍礮不

能整齊操演行陣不能如式者員弁則分別議處兵丁則隨時責革不准稍有瞻徇迴護以副朕勤修武備整飭戎行之意○二十四年

諭恩桂等奏酌議挑補門甲添演設鉛丸等語此項門甲必須年力精壯技藝嫻熟方足以重守衛著於按季操練鳥槍之外每月加演鉛丸三次務令施放有準毋任有名無實嗣後遇有缺出著照所議先儘本門門軍及本旗滿洲蒙古另戶步甲挑補毋庸以馬甲對換○咸豐元年奏准技勇營槍兵陣式仿照五營面北排列以隨舊制五營藤牌陣式擇其無

關緊要者酌減數條以歸簡易。○四年

諭京師各門所添之兵為日已久苦狀難堪若不變通留撤以後更不成事體此時所撤之京師防兵俟直隸事竣再行題奏酌量加恩再團防處儘可裁撤惟步軍統領兩翼總兵責任最重稽察緝捕固難多立章程反成虛套然終恐因時制宜有未盡善之處亦應妥籌以上各條著詳議具奏欽此遵

旨議奏八旗地面每旗添派協副尉一員捕盜步軍校二員選帶技勇兵三十名共官二十四員兵二百四十名日夜巡查並酌派番役按旗躡緝每

日左右兩翼翼尉副翼翼尉統查步軍統領兩翼
總兵抽查至城外派都守帶領兵捕各在關廂
一帶盤詰該營將官統查仍不時派委衙門司
員稽查儻有疏懈即行叅辦○又奏准海澱團
防與北左右三營團防暫免撤退內九門外七
門牆門官兵俟

畿輔肅清再行裁撤○八年奏准巡捕五營馬二
千四百匹酌留一千二百匹以二匹馬乾歸併
一匹每月支領京錢十五串其酌留馬匹內之
老病疲瘦者變價勒限兩箇月添補口輕臆壯

一千二百匹。除技藝馬一百匹。五營留備差馬一百匹。毋庸協濟兵部。下餘一千匹。仍聽調用。○同治元年奏准。八旗技勇營。加增鳥槍八百杆。添設檣槍一百六十杆。飭令四場帶隊章京。督飭兵丁。勤加練習。○四年奏准。由武備院。行取二等高麗刀一百五十把。並採辦竹杆槍二千杆。製造排槍五百杆。分給步軍巡捕各營備用。○又奏准。巡捕五營兵丁。挑選年力精壯者三千名。作為專操之兵。遴員管帶。認真訓練。○又奏准。仿照馬蘭鎮子母礮式樣。籌款製造。於

五營合操時演放。○五年奏准。新造子母礮位五十尊。每月操演六次。演打鉛丸一次。共需六兩重鉛丸二百五十粒。火藥一千四百二十一斤十四兩。烘藥六斤一兩五錢。二丈長火繩三十二根十尺。按月行文工部領取。○六年奏准。調取造辦處庫存子母礮十二尊。歸巡捕五營備用。○九年奏准。添設技勇營操馬四十匹。步軍營捕盜步軍校差馬四十匹。每匹每月所領馬乾銀三兩。均放實銀。○光緒十年奏准。八旗技勇營。額設兵丁四千六百零六名。每旗揀拔

精壯兵一百二十五名。八旗共一千名。作為操防之兵。左右兩翼。各派營總二員。隊官四員。副隊官四員。總令官一員。文案官一員。兩翼共派官二十四員。由八旗協尉副尉步軍校內選擇充補。仍兼管本地面差使。兩翼翼尉。作為管帶官。以資統率。此項練兵。每名月給口分銀一兩。共一千兩。每月再賞銀二百兩。作為操防辦公之需。

白塔信礮。○定例。白塔山。設信礮五位。旗杆五枝。九門城上。各設信礮五位。旗杆五枝。並設有

金牌上書奉

旨放礮字樣存於

大內。遇有緊急。或由

御前差遣。或由衙門差遣。看有金牌持到。經白塔直
班之員驗明。方准放礮。若傳報不及。係何方緊
急。即先放何門之礮。杆上畫懸黃旗。夜懸鐙籠。
一處放礮。別處礮聲皆應。晝皆懸旗。夜皆懸鐙。
官兵聞礮。即各備器械。其是日在內直班之

御前大臣。領侍衛內大臣。內大臣。散秩大臣。

御前侍衛。

乾清門侍衛門上侍衛前鋒統領護軍統領護軍
參領副參領委參領護軍校護軍總管內務府
大臣內務府三旗護軍統領參領副參領護軍
校護軍馬甲各在本班處所豫備

紫禁城外九門以內八旗火班街上堆撥城上堆
撥及各倉庫公所直班之驍騎營官兵各街道
衙衙堆撥柵欄城上馬道柵欄直班之步軍營
官兵各城門直班官兵及城外各門偏吉直班
之新營房官兵各在本班處所嚴守毋得挪移
其不直班之

御前大臣領侍衛內大臣內大臣散秩大臣侍衛各

率本旗親軍營兵鑲黃旗集於

東華門外正黃旗集於

西華門外正白旗集於

神武門外內務府三旗護軍營兵集於

午門外鑲黃旗在

闕左門正黃旗在

闕右門正白旗在

端門內務府三旗驍騎營兵鑲黃旗集於

景山東門外正黃旗集於

景山西門外。正白旗集於

承光殿。迤東三座門。八旗護軍營兵。兩藍旗集於

天安門外。兩白旗集於

東安門內。兩紅旗集於

西安門內。兩黃旗集於

地安門內。兩翼前鋒營兵。集於

天安門外。金水橋。迤南。內火器營兵。兩藍旗集於

大清門外。兩白旗集於

東安門外。兩紅旗集於

西安門外。兩黃旗集於

地安門外。八旗驍騎營兵。滿洲蒙古漢軍各參領
佐領。俱按分定汛地會集。

御前大臣。領侍衛內大臣。內大臣。散秩大臣。侍衛各
於所集

紫禁城門外候

旨。總管內務府大臣。步軍統領。左右翼總兵。於

神武門外候

旨。八旗都統。副都統。護軍統領。兩黃旗於

神武門外候

旨。兩白旗於

東華門外候

旨。兩紅旗於

西華門外候

旨。兩藍旗及前鋒統領火器營大臣。於

午門外候

旨。不領兵之親王郡王貝勒貝子公及文職大臣。俱
於

午門外候

旨。親王隨十五人。郡王隨十人。貝勒隨八人。貝子隨
六人。公以下及各大臣隨四人。

紫禁城四門。俟奉

旨或持出合符到門方啟。內九門外七門。有步軍統領令箭到門方啟。其

皇城四門。及左右

關門。東西

長安門。

北上門外東西甬子柵欄門。

長安門外柵欄門。遇有應入之官兵。及應候

旨之王公大臣到門。速即驗放。毋許攔阻。步軍翼尉等督率不直班之步軍。各按本旗上城環列。南

營參將等率營兵於外城城上環列。各城門礮手。上城豫備門礮。新營房不直班之官兵。各赴本管城門。一體看守。舊營房居住之官兵。各集本旗城門外。協同防衛。巡捕左右北三營。及中營之

樂善園汛兵。各按汛地所管之內城東西北六門。外城七門。集兵把守。寫橋步軍統領即速派該衙門章京三員。各帶兵四名。持令箭飛馬出城。一赴

圓明園。傳知該處護軍衙門。令該官兵等加謹守。

衛

御園並令中營副將等督率各兵環繞園牆巡邏。
一赴藍靛廠一赴香山。令外火器營健銳營官
兵豫備外火器營向阜成門進發。健銳營向西
直門進發。以備調遣。其王公門上章京護軍等
亦各集本府聽候傳喚。

欽定大清會典事例卷一千一百六十三

步軍統領

營制

白塔信礮二

火班

順治十年奏准。白塔山暨內九門。各設礮五位。豎旗五杆。遇有緊急聲礮為號。旗杆上晝則懸旗。夜則懸鐙。白塔鳴礮。則九門皆應之。各旗聞礮聲皆披甲。

御前大臣侍衛入直者。仍留直所。不應入直者。左翼於

紫禁城

東華門外會集。右翼於

西華門外會集。內務府參領佐領各率護軍馬甲於

紫禁城北門外會集。前鋒護軍統領前鋒護軍參領各率前鋒護軍。兩黃旗於

地安門。兩白旗於

東安門。兩紅旗於

西安門。兩藍旗於金水橋會集。其都統副都統率所屬官兵於各旗適中之地會集。都統前鋒護軍統領親赴

午門聽

令。如都統無人。則副都統。副都統無人。則參領。前鋒
護軍統領無人。則前鋒護軍參領。或侍衛前來
候。

旨。步軍協尉各率步軍校步軍。環立城上。議政和碩
親王以下。固山貝子以上。各留隨侍。屯於本旗
護軍會集之處。和碩親王領十五人。多羅郡王
領十人。多羅貝勒領八人。固山貝子領六人。各
會集。

午門外。不預議政王以下。公以上。各率隨侍。屯於

本旗護軍會集之處。未上朝王以下。公以上。各
在家遣護衛一人赴

午門聽信。其會集之時。自和碩親王以下。公以上。
各令直門官兵留於各門聽調。即至。王公府屬
官兵各會集於本主之門。其白塔鳴礮。或奉
上諭遣人。或部中遣人。持有金牌至。則舉礮。金牌書
奉

旨放礮字樣藏於

禁中。如有急不及報

聞。則各於有急之處舉礮。聞礮聲。則各礮臺皆舉礮。

其守白塔礮臺。用漢軍兩翼信礮官各二人。領
催二人。每旗馬甲二人。各城門礮原有城門領
甲兵應酌量撥人舉礮。○雍正元年定八旗滿
洲蒙古漢軍驍騎營汎地鑲黃旗滿洲蒙古漢
軍三旗地界。自鼓樓迤東至新橋。自新橋大街
北至城根府學衚衕東口。與正白旗搭界。鑲黃
旗滿洲頭甲喇十七箇佐領。自鼓樓東大街至
經廠。按佐領分段會集。二甲喇十七箇佐領。自
經廠至交道口。由交道口往南至棉花衚衕東
口外。按佐領分段會集。三甲喇十八箇佐領內

五箇佐領在南鑼鼓巷北口至南口。按佐領分段會集。其餘十三箇佐領在南鑼鼓巷兩旁之鼓樓院方輒廠真武廟雨兒衚衕福祥寺帽兒衕。炒豆衕棉花衕。兵馬司前圓恩寺後圓恩寺橘兒衕。按佐領分段會集。四甲喇十七箇佐領自交道口往東至新橋。自新橋往南香兒衕東口。按佐領分段會集。五甲喇十七箇佐領內九箇佐領自香兒衕東口至府學衕。按佐領分段會集。其餘八箇佐領在府學衕。馬將軍衕大興縣大兒衕土兒衕。

香兒衚衕錢局周圍按佐領分段會集。鑲黃旗
蒙古頭甲喇十四箇佐領在交道口大街往北
至安定門按佐領分段會集。二甲喇十四箇佐
領內三箇佐領在北鑼鼓巷南口至北口按佐
領分段會集其餘十一箇佐領在北鑼鼓巷兩
旁之寶鈔衚衕經廠分司廳謝家衚衕伽藍殿
法通寺淨土寺豆腐匙衚衕高公庵郎家衚衕
碾兒衚衕按佐領分段會集。鑲黃旗漢軍頭甲
喇十箇佐領在新橋大街往北至方家衚衕口
外按佐領分段會集。二甲喇十一箇佐領在方

家衙衙往北至城根。按佐領分段會集三甲喇
十一箇佐領。在國子監前後之頭條衙衙二條
衙衙三條衙衙方家衙衙國子監大溝巷蕭家
衙衙。按佐領分段會集四甲喇十一箇佐領。在
柏林寺。種稍衙衙草廠。主大人衙衙。按佐領分
段會集。五甲喇十箇佐領。在北小街南口。至城
根胡椒園。手帕衙衙羊館衙衙。鐵綫衙衙國子
監。按佐領分段會集。○正白旗滿洲蒙古漢軍
三旗地界。自府學衙衙往南至四牌樓報房衙
衙東口。與鑲白旗搭界。正白旗滿洲頭甲喇十

七箇佐領。在棉花衚衕東口外大街路南至大佛寺西北角。按佐領分段會集。二甲喇十六箇佐領自大佛寺西北角往南至報房衚衕西口外。按佐領分段會集。三甲喇十六箇佐領在

皇城東寬街草廠衚衕取燈衚衕。瞭穀廠弓絃衚衕。雙塔衚衕。按佐領分段會集。四甲喇十六箇佐領。在鐵獅子衚衕。嘎嘎衚衕。汪芝麻衚衕。魏家衚衕。十景花園馬大人衚衕。錢糧衚衕。大佛寺羊尾巴衚衕。山老兒衚衕。喇叭營。按佐領分段會集。五甲喇十六箇佐領。內十箇佐領在馬

市口往東至四牌樓。按佐領分段會集。其餘六箇佐領在隆福寺一帶小衚衕。按佐領分段會集。正白旗蒙古頭甲喇十五箇佐領在府學衕街口外大街至五條衕。按佐領分段會集。二甲喇十四箇佐領在五條衕至四牌樓。按佐領分段會集。正白旗漢軍頭甲喇十箇佐領在新橋大街至東直門。按佐領分段會集。二甲喇十箇佐領在北新倉海運倉與平倉南新倉舊太倉富新倉周圍各門。按佐領分段會集。三甲喇十一箇佐領在東直門南小街北口。宋姑娘

衙街口袋衙。慧照寺。汪家衙。船板衙。板
橋衙。按佐領分段會集。四甲喇九箇佐領內
四箇佐領在北小街分段會集。其餘五箇佐領
在六條衙。七條衙。八條衙。九條衙。十
條衙。按佐領分段會集。五甲喇九箇佐領內
四箇佐領在北小街按佐領分段會集。其餘五
箇佐領在頭條衙。二條衙。三條衙。四條
衙。五條衙。按佐領分段會集。○鑲白旗滿
洲蒙古漢軍三旗地界。自報房衙往南至單
牌樓。與正藍旗搭界。鑲白旗滿洲頭甲喇十七

箇佐領在大街東廠衙衙東口起至阮府衙衙
東口外止按佐領分段會集二甲喇十六箇佐
領在阮府衙衙東口外至長安牌樓按佐領分
段會集三甲喇十八箇佐領在東安門以外之
翠花衙衙東廠衙衙奶子府燒酒衙衙錫蠟衙
衙菜廠衙衙阮府衙衙梯子衙衙口袋衙衙理
藩院後身按佐領分段會集四甲喇十七箇佐
領在長安牌樓至單牌樓按佐領分段會集五
甲喇十七箇佐領內八箇佐領在燈市口西口
大街往東至四牌樓大街按佐領分段會集其

餘九箇佐領在椿樹衙衙乾魚衙衙西堂子衙衙金魚衙衙煤炸衙衙帥府衙衙三條衙衙二條衙衙頭條衙衙按佐領分段會集鑲白旗蒙古頭甲喇十二箇佐領在四牌樓大街至堂子衙衙按佐領分段會集二甲喇十二箇佐領在堂子衙衙至單牌樓按佐領分段會集鑲白旗漢軍頭甲喇五箇佐領在四牌樓往東至小街子按佐領分段會集二甲喇四箇佐領在小街子至朝陽門按佐領分段會集三甲喇四箇佐領在祿米倉周圍啞吧衙衙方家衙衙按佐領

分段會集。四甲喇四箇佐領。在小街子史家衚
衕乾麪衚衕小啞吧衚衕按佐領分段會集。五
甲喇五箇佐領。在羊尾巴衚衕堂子衚衕施大
人衚衕。羊儀賓衚衕總捕衚衕按佐領分段會
集。○正藍旗滿洲蒙古漢軍三旗地界。自單牌
樓至崇文門。自金水橋往東至城根。正藍旗滿
洲頭甲喇十六箇佐領。在長安牌樓往西至長
安門內金水橋。按佐領分段會集。二甲喇十七
箇佐領。在新家口南口至北口。按佐領分段會
集。三甲喇十七箇佐領。在宗人府往南至戶部。

按佐領分段會集。四甲喇十七箇佐領。在中玉河橋至紅廠衙衙北口。按佐領分段會集。五甲喇十七箇佐領。在紅廠衙衙口外至長安牌樓。

按佐領分段會集。正藍旗蒙古頭甲喇十五箇佐領。自單牌樓大街至崇文門。按佐領分段會集。二甲喇十四箇佐領。自江米巷東口至紅廠衙衙。按佐領分段會集。正藍旗漢軍頭甲喇六箇佐領。在觀音寺衙衙。至舉場西門。按佐領分段會集。二甲喇七箇佐領。在羊肉衙衙。至水磨衙衙。按佐領分段會集。三甲喇五箇佐領。在裱

稽衡街西口至東口。按佐領分段會集四甲喇
六箇佐領。在蘇州街西口至東口。按佐領分
段會集。五甲喇七箇佐領。在船板街西口。往
東至馬皮廠南口。按佐領分段會集。○正黃旗
滿洲蒙古漢軍三旗地界。自鼓樓往西至新街
口大街。由城根至馬狀元街西口。與正紅旗
搭界。正黃旗滿洲頭甲喇十九箇佐領。在鼓樓
大街往西至北藥王廟南口。按佐領分段會集。
二甲喇十九箇佐領。在北藥王廟南口。往西大
街上。按佐領分段會集。三甲喇十八箇佐領。在

八調灣南口大街。至德勝門往南至德勝橋。按
佐領分段會集。四甲喇十八箇佐領。在鼓樓斜
街銀錠橋往西。過李廣橋至德勝橋大街。按佐
領分段會集。五甲喇十八箇佐領。在松樹街北
口至南藥王廟。按佐領分段會集。正黃旗蒙古
頭甲喇十二箇佐領。在松樹街南口至宏善寺
衚衕西口。按佐領分段會集。二甲喇十二箇佐
領。在宏善寺衚衕西口至德勝橋。按佐領分段
會集。正黃旗漢軍頭甲喇十箇佐領。內三箇佐
領。在護國寺街至棉花衚衕南口。按佐領分段

會集其餘七箇佐領在棉花衚衕南口至羅園
衚衕西口按佐領分段會集二甲喇十箇佐領
在羅園衚衕西口至廊房衚衕草廠衚衕按佐
領分段會集三甲喇十一箇佐領在蔣家房東
口至西口按佐領分段會集四甲喇十箇佐領
在新街口往北至四條衚衕按佐領分段會集
五甲喇九箇佐領在四條衚衕東口往北至城
根按佐領分段會集○正紅旗滿洲蒙古漢軍
三旗地界自馬狀元衚衕口外大街往南至四
牌樓羊肉衚衕東口與鑲紅旗搭界正紅旗滿

洲頭甲喇十二箇佐領在西直門大街曹公觀
至新街口往南至石老娘衚衕東口按佐領分
段會集二甲喇十六箇佐領在石老娘衚衕東
口往南至四牌樓往東至馬市東口按佐領分
段會集三甲喇十五箇佐領在

皇城西馬狀元衚衕大平倉衚衕毛家灣紅籬廠
拐捧衚衕按佐領分段會集四甲喇十二箇佐
領內四箇佐領在四牌樓大街按佐領分段會
集其餘八箇佐領在大街西驢肉衚衕帥府衚
衕報子衚衕臭皮衚衕石老娘衚衕按佐領分

段會集。五甲喇十四箇佐領在四牌樓大街西
魏兒衚衕。太甯侯衚衕。五王侯衚衕。車兒衚衕
石碑衚衕。寶禪寺帽兒衚衕。公用庫。按佐領分
段會集。正紅旗蒙古頭甲喇十一箇佐領內六
箇佐領。在西直門大街。按佐領分段會集。其餘
五箇佐領。在大街南草廠衚衕。柳巷衚衕。觀音
寺衚衕。陳綫兒衚衕。大覺寺衚衕。按佐領分段
會集。二甲喇十一箇佐領。在大覺寺南揀果廠
東觀音寺衚衕。翊教寺報恩寺。祖家街。錫蠟衚
衕。苦水井。按佐領分段會集。正紅旗漢軍頭甲

喇四箇佐領。在阜成門大街至宮門口。按佐領分段會集。二甲喇四箇佐領。在宮門口往東至馬市橋。按佐領分段會集。三甲喇四箇佐領。在馬市橋北。酥蘿葡萄街。回子營。按佐領分段會集。四甲喇四箇佐領。在回子營。茶葉街。衛翠花街。按佐領分段會集。五甲喇三箇佐領。在宮門口往北至葡萄園東口。按佐領分段會集。○鑲紅旗滿洲蒙古漢軍三旗地界。自羊肉街往南至單牌樓。與鑲藍旗搭界。鑲紅旗滿洲頭甲喇十八箇佐領。在四牌樓往南至單牌樓往東。

至長安牌樓。按佐領分段會集。二甲喇十七箇
佐領在西安門大街南板廠衙衙廊房衙衙醬
房衙衙小醬房衙衙東斜街。細米衙衙。按佐領
分段會集。三甲喇十七箇佐領在饒子衙衙狗
尾巴衙衙。背陰衙衙太僕寺街。李閣老衙衙。按
佐領分段會集。四甲喇十八箇佐領在東夾道
東嶽廟大悲寺小東嶽廟演象所官磨房。按佐
領分段會集。五甲喇十七箇佐領在堂子衙衙
石虎衙衙吳公衙衙油房衙衙茶葉衙衙西
夾道稱勾衙衙。按佐領分段會集。鑲紅旗蒙古

頭甲喇十箇佐領在粉子街後泥窪十八半
截豐盛街。按佐領分段會集。二甲喇十二箇
佐領在兵馬司街。院兒街。甌塔街。羊肉
街。按佐領分段會集。鑲紅旗漢軍頭甲喇兩
箇佐領在白廟街。半壁街。按佐領分段會集。
二甲喇六箇佐領在跨車街。榆錢街。沈籠
子街。按佐領分段會集。三甲喇四
箇佐領在大木廠。牛圈高井口。袋街。按佐領
分段會集。四甲喇六箇佐領在捨飯寺。皮庫街。
街東夾道。按佐領分段會集。五甲喇四箇佐領

在白廟衚衕。刑部街。按佐領分段會集。鑲藍旗滿洲蒙古漢軍三旗地界。自單牌樓往南至宣武門。自金水橋至城根。鑲藍旗滿洲頭甲喇十八箇佐領。在長安牌樓往東。至長安門內金水橋。按佐領分段會集。二甲喇十八箇佐領。內十三箇佐領。在江米巷往北。至長安門大街。按佐領分段會集。其餘五箇佐領。在中府左府四眼井。按佐領分段會集。三甲喇十八箇佐領。內十箇佐領。在河漕沿一帶。按佐領分段會集。其餘八箇佐領。在石碑衚衕文昌閣。拴馬椿馬神。

廟。按佐領分段會集。四甲喇十七箇佐領。在皮市南口。至掃帚街西口。按佐領分段會集。五甲喇十七箇佐領。內十二箇佐領。在單牌樓。至絨綫街東口。按佐領分段會集。其餘五箇佐領。在六部口。抽屜街。關帝廟。牛肉灣。按佐領分段會集。鑲藍旗蒙古頭甲喇十三箇佐領。內七箇佐領。在宣武門。至絨綫街。按佐領分段會集。其餘六箇佐領。在油坊街。南拴馬椿。翠花街。象樹街。按佐領分段會集。二甲喇十二箇佐領。在中街。半壁街。前細瓦廠。新簾子街。

舊藤子衚衕。按佐領分段會集。鑲藍旗漢軍頭
甲喇五箇半佐領。在報子街東口至西口。按佐
領分段會集。二甲喇四箇佐領。在手帕衕東
口至西口。按佐領分段會集。三甲喇四箇佐領
在鐵匠衕東口至西口。按佐領分段會集。四
甲喇五箇佐領。在石駙馬大街東口。往西至棧
毛衕衕。按佐領分段會集。五甲喇四箇佐領。在
頭髮衕東口至臭水河三里河。按佐領分段
會集。○二年。改設信礮總管一人。司信礮官漢
軍每旗一人。礮手八名。領催四名。步軍十六名。

○三年

諭九門俱立旗杆。白塔設有信礮。此皆豫防緊要事也。朕即位之初。即降旨傳諭衆人。今時日已久。不知之者甚多。爾等雖知之。其新進年少之護軍披甲等。俱屬不知。宜乘閒將衆人曉諭。若不行曉諭。恐有急事。點放信礮之時。必有人以此礮為駭異。究不知齊集何處也。○乾隆八年奏准。信礮各官。改隸步軍統領管轄。其監守信礮領催礮手。由步軍統領咨行該旗。於領催礮手內。選送調補。監守信礮步軍。於該旗步軍調補。○嘉慶十八年奏准。白塔信

礮。遇有應行修理之處。隨時奏明。交造辦處修

理。號鐘。一年一換。鐵鏈。二十年更換。榔頭。十年更換。十年修。火

麻刷。五年修製一次。號杆。以上俱係兵部定例。○

號杆。繩。一年一換。號杆。三年一換。元量杆。遇有

損壞。隨時修理。火藥。十年更換。烘藥。十年更換。

龍旗。三十一年製。十五年修。黃布。燈套。十年修製。

一次。號帽。五年更換。燈繩。一年更換。火藥。信步

軍統領衙門置料發給。一年更換。火繩。一年更

換。木枕。二十年更換。十年修理。○以上俱係工

部會同步軍統領衙門置料。○白城。三十年更

照例豫備於

火班。○嘉慶二十四年奏准。步軍營八旗激桶。

東華門

西華門

神武門外。俟信傳開何門。即趨何門。責成該管大臣。認識章京。章京認識兵丁。不必發給腰牌。報明管門大臣放入。○又議准。

圓明園步軍營。向設激桶八架。巡捕營向設激桶四架。今巡捕營再添激桶八架。即將此激桶二十架。分於各門附近堆撥存儲。遇奉

旨啟放何門。仍由總管太監傳知直班之奏事處官。不分晝夜。由

左門轉傳侍衛班領。傳知步軍統領衙門朝房。步

軍營。每激桶一架。用步軍校一員。步甲三十五名。責成該班之副翼尉。辦事協尉。副協尉管帶。巡捕營。每激桶一架。用千總一員。把總一員。兵三十五名。責成中營副將。參將都司。守備管帶。齊集啟放之門。住班之總兵。報明管門之大臣。章京投遞職名。帶領入內。並責令是日直宿之散秩大臣。專司稽查。

欽定大清會典事例卷一千一百六十四

步軍統領

營制 拔補兵丁

拔補兵丁。○原定八旗步軍領催及捕盜步軍。均於該旗步軍內拔補。步軍移咨該旗於本佐領下願充步軍之正身開戶。及印契白契所買家人內選補。如孤寡貧窮並無家人者。准借親戚家下人充選。內九門驍騎。咨取八旗滿洲驍騎調補。外七門驍騎。咨取八旗漢軍驍騎調補。十六門門軍。皆召募民人充補。每月給餉銀一

兩米三斗。內九門礮手。咨取八旗漢軍礮手選補。監守信礮領催礮手及步軍。均由該旗選補。巡捕營兵丁缺。及本衙門番捕人役。皆召募民人充補。○康熙五十三年。

暢春園增設巡捕營兵百二十名。奉

旨。此增設馬步兵。著將漢軍閒散人等選補。嗣後巡捕三營兵丁。亦將漢軍與民人。一併揀選。○雍正二年議准。城門關繫緊要。所有門軍。俱由八旗滿洲蒙古漢軍養育兵內。擇其壯健者充補。仍食養育兵餉。再照門軍例。每月給米三斗。不宜召募

民人。○又定八旗養育兵。至二十五歲不能騎射革退者。仍准佐領鈐用圖記。送步軍統領衙門選補步軍。○三年奉

旨。圓明園增設巡捕營兵三百八十名。著將內府佐領內管領下閒散人等選補。○乾隆三年議准。巡捕三營。有漢軍閒散。並內府人等充補兵丁之例。今八旗開戶人等。若選補驍騎。既恐侵佔滿洲正身食糧之數。步軍鐵匠等。又係養贍孤寡。不便令其分佔。是開戶人等。終不得進身之路。嗣後營兵。令八旗將開戶。及別載冊籍閒散人內。有

年力精壯。弓馬可觀。情願就選者。咨送同內府
閒散人。漢軍閒散人。以及召募民人。一例選充。
並准拔補管隊百總頭目。至別載冊籍人。雖與
開戶人等有別。究其根本原同。如由兵丁拔補
頭目後。果有才技優嫻。實心效力者。止拔補外
委千總。仍不得補用守備及經制千總把總。
○四年奏准。各門額設門軍四十名。遇有缺出。八
旗因無壯健養育兵。皆將幼丁咨送。不惟不勝
啟閉之任。且不足以肅觀瞻。現有三十餘缺。計
八旗額設步軍二萬一千餘名。若以此內選補

門軍六百四十名。所餘步軍。尚有二萬四百餘名。看守堆撥柵欄。巡街墊道。一應差務。仍屬數用。嗣後門軍有缺。停選養育兵。即於步軍內。擇其年力精壯者。撥補。仍食步軍糧餉。亦毋庸別補步軍。○七年議准。選補三營兵。向係按月辦理。將漢軍一項。作為一月。別載冊籍。並開戶人等。與召募民人三項。作為一月。是三營兵缺。漢軍應得一半有餘。但八旗咨送之漢軍。弓箭人材。好者甚少。每逢選補漢軍之月。因無人可補。不便將名糧遷就。往往於別項應募人內。選補。

是以民兵比漢軍較多。嗣後八旗漢軍都統務將弓馬可以學習人材壯健者。多為揀選。照例按月委參領送步軍統領衙門選補。○又議准外七門向無礮手。每門增設二名。即於本門駢騎額內選補。○八年議准監守信礮領催礮手。由步軍統領咨行該旗。於領催礮手內選送調補。監守信礮步軍。於該旗步軍內調補。○三十六年議准巡捕營員弁內籍隸他省者。其兄弟子姪。概不得入營食糧外。若籍隸大興宛平兩縣者。其兄弟子姪。仍挑補馬步兵丁。隨營差操。

惟不准在其父兄本汛當差。俾無考覈管轄之責。如有素習技藝。情願考試者。俱與武童一體考試。取中武生後。再行鄉試。○四十二年奏准。八旗雜廩發交巡捕營效力人員。現在學習當差。賞給馬甲錢糧一分。但巡捕營差務較繁。伊等學習員弁。更宜常川演習。於期滿考驗時。方能覈其勤惰。以定等第。是伊等雖有馬甲錢糧一分。僅敷贍家。而在外當差。未免拮据。嗣後賞給馬甲錢糧一分之外。再於巡捕營馬兵定額內通融給予馬糧一分。以資差操養贍。仍俟年

滿考驗。分別等次。補缺後。再將所食馬糧開除。

○嘉慶十一年

諭。文甯等奏酌撥步甲額缺。請以滿洲蒙古閒散正身挑補。據稱步軍統領衙門所屬八旗步甲。因係墊道緝捕各項差使。所有錢糧。定例僅令滿洲蒙古戶下人挑補。其正身向不挑取。惟獲咎革退之護軍馬甲。各旗始行送挑。請將步甲內派在各

壇

廟該班。及派在九門地安等門北海等處當差之九百五十七名。擬俟缺出。分別陸續咨取正身挑補等語。

旗人當差。惟在勤慎務正。即屬顧惜顏面。若平日不知安分。流為匪類。始可謂之卑賤。即墊道緝捕。何嘗非正項差使。况係派在各

壇

廟及各門當差。更非墊道緝捕可比。即與侍衛護軍馬甲無異。儘可令正身閒散旗人及養育兵等充當。多添九百五十七分錢糧。伊等既可藉資養贍。並得官房居住。且遇有各本旗護軍馬甲缺出。仍可赴挑。亦不礙其上進之路。於旗人生計。實有裨益。著照所請。將分定額數。俟各旗步甲缺出。陸續咨取挑補。以足

九百五十七名之額。用副朕加惠無已至意。此後有獲咎革退之護軍馬甲。各旗咨送。即可挑補墊道緝捕等項差使。文甯等此次所議。甚屬可嘉。本日兵部議請失察罰俸一年。著寬免。○十七年

諭。朕念旗人生齒日繁。限於甲額。不能挑補錢糧者甚多。因思步軍統領衙門。所屬八旗步甲及巡捕營馬兵二項。俱在京城內外當差。原設額缺本寬。若酌分額缺。以滿洲蒙古閒散正身旗人挑補。伊等既不致壯歲曠閒。亦可稍裕生計。著兵部會同步軍統領衙門。將此二項兵額覈計。可酌分若干。改歸旗人挑補。

並如何陸續改補之處。悉心妥議具奏。欽此。遵

旨議奏。步軍營額設步甲二萬三千一百二十二名。內除漢軍步甲三千七百十八名。均係正身挑補。又嘉慶十一年奏撥步甲九百五十七名。歸滿洲蒙古閒散正身挑補。其餘八旗戶下步甲。尚有一萬八千四百四十七名。原設額缺本寬。將此項步甲內再撥出二千名。挑補八旗滿洲蒙古閒散正身。巡捕營額設戰守兵六千名。馬兵四千名。除有馬馬兵及戰守各兵。差委紛雜。並有出境遞解案件。未便挑補旗人外。其無馬馬

兵二千名。止係操演技藝。分布隊伍。將此項無馬馬兵二千名。儘數改為正身旗人額缺。統計步軍巡捕兩營。共可添補旗缺四千名。惟滿洲人數較多。蒙古人數較少。此次挑補正身額缺四千名。將滿洲挑補八成。其步甲馬兵共挑取三千二百名。蒙古挑補二成。其步甲馬兵共挑取八百名。通按八旗分挑。滿洲旗分。每旗挑步甲二百名。馬兵二百名。蒙古旗分。每旗挑步甲五十名。馬兵五十名。以合四千名之數。至出缺挑補時。於挑補滿洲四名後。挑補蒙古一名。步

甲馬兵兩項均一律辦理。又步軍營每月所出步甲之缺。若一時儘補正身旗人。恐於各戶下應補之處。不免窒礙。遇有缺出。即各按五成。以一正身一戶下分別開補。以示平允。其未挑足二千名以前。遇有新挑正身旗人出缺。即屬正身旗人額缺。仍以正身旗人挑補。不得作為戶下之缺。列為閒補。以免牽混。所挑正身旗人。歸步軍統領衙門酌量地方安置當差。此二千名內應有領催。亦由步軍統領衙門查照向例辦理。又戶下步甲。向不挑補別項差使。並無進身

之階。今既以正身旗人挑補。與戶下挑補者不同。未便阻其上進之路。嗣後由步軍統領衙門。察其當差勤慎。堪習弓馬者。隨時咨送該旗。備挑護軍驍騎等營各項差使。懶惰者隨時革退。仍於挑補別項差使後。由該佐領呈明本旗都統。咨行步軍統領衙門。以便開缺。另行挑補。並咨報兵部查覈。其挑充馬兵之旗人。亦照此一例辦理。惟馬兵拔補外委後。業已身為營弁。即不得復挑各旗差使。以示限制。又巡捕五營。均在城外。今以旗人充補馬兵。令其即在各本旗

附近營汎當差。查鑲黃正黃二旗地面。係在北城。正白鑲白。係在東城。正紅鑲紅。係在西城。正藍鑲藍。係在南城。今以八旗閒散分補巡捕各營。在南北左右四營。相距尚近。惟中營汎地在圓明園香山一帶。距城較遠。即就各營地面酌派旗分挑補。第中營五汎。額設無馬馬兵五百四十名。為數較多。即將鑲黃旗挑補十分之二。正黃旗挑補十分之三。正紅旗挑補十分之三。鑲紅旗挑補十分之二。北營四汎。額設無馬馬兵三百二十名。將鑲黃正黃兩旗應挑之缺。儘數

送挑。左營四汛。額設無馬馬兵三百二十名。將
正白。鑲白。兩旗。應補之缺。儘數送挑。南營六汛。
額設無馬馬兵五百二十名。於正藍。鑲藍。兩旗。
儘數送挑。右營額設無馬馬兵三百名。於正紅。
鑲紅。兩旗。儘數送挑。以上八旗。就近分挑南北
左右四營馬兵。如有不足之數。即於鄰近旗分。
以次遞行的挑。以足各該營之額。遇有缺出。由
步軍統領衙門。按照附近旗分。咨取送挑。至挑
補馬兵後。即在城外舊營房就近當差。其城內
閒散挑補馬兵後。如何安置之處。由各該旗酌

量辦理。又巡捕營無馬馬兵。為戰守各兵升拔之路。今既改為旗缺。若遇缺出。儘補旗人。則戰守各兵。專俟有馬馬兵缺出。始得升拔。未免較滯。嗣後將每月所出無馬馬兵之缺。以二缺挑補旗人。其第三缺。仍以各營兵丁升拔。通盤計算。以七成為挑補旗人之缺。以三成為升拔民兵之缺。如此逐次輪補。則民兵升拔之路。既無阻滯。而旗人之得缺。亦可較速。統俟將無馬馬兵全數充補旗人後。則旗人既已不復佔缺。而戰守各兵。即可升拔有馬馬兵。更可以昭獎勵。

又旗人挑補無馬馬兵後。既不復補有馬馬兵。亦當予以升拔之路。俟挑補一百名之數。即於此內考驗人材弓馬去得。年壯技優者。遇有外委缺出。准拔一員。挑足二百名後。挑拔外委二員。遇有把總缺出。升補把總一員。挑足四百名後。挑拔外委四員。把總二員。遇有千總缺出。升補千總一員。合計挑足二千名。挑外委二十員。把總十員。千總五員。此項人員。另立一班。定為旗缺。自不致與五營現行班次攙雜。至千總應升之守備。額缺較少。即歸五營千總不分滿漢。

一體較拔。以昭公允。又中營汎地。在

圓明園香山一帶。距城較遠。且無各旗坐落營房。專藉該班公所住宿。此次所挑馬兵。酌派在

圓明園附近左右。充當看守園亭等項差使。其香山等處較遠地方。酌派該營別項民兵看守。毋庸派撥旗兵。又巡捕營營規。與各旗營不同。此項無馬馬兵。既儘充補旗人。除錢糧仍照舊例支給外。其餘一切營規。即照各旗營辦理。又挑補步甲馬兵。如八旗閒散內。不敷保送。即將及歲之養育兵。一體送挑。又此項裁補之缺。自嘉

慶十八年二月為始。遇有步甲馬兵缺出。步軍統領衙門。於該管官呈報後。即行移咨兵部查覈。其輪應按補何旗。並即咨行該旗。以備送挑。至巡捕營有馬馬兵缺出。係無馬馬兵升拔。亦咨報兵部備查。奉

旨。朕因旗人生齒日繁。甲額不敷。挑補特降旨令兵部會同步軍統領衙門。於八旗步甲及巡捕營馬兵二項原設額缺內。酌量均勻撥補。茲據奏步軍營步甲內可撥出額缺二千名。巡捕營可撥出無馬馬兵額缺二千名。統計兩營共添補旗缺四千名。八旗正身

旗人得添有此項額缺。均勻挑補。伊等按月關支錢糧。生計既可寬裕。而操演當差。有該管官常時約束。亦不致壯歲曠閒。於教養均有裨益。其所議章程內。惟巡捕中營汎地。在圓明園香山一帶。距城較遠。所撥馬兵額缺。即使就近旗分挑補。朝夕該班。所議仍多未便。圓明園八旗及火器營健銳營。皆與中營汎地切近。該三營均有閒散子弟。所有中營撥出兵額。著即於該三營閒散內挑補。其如何分額充補之處。仍著兵部會同步軍統領衙門。分析議奏。餘俱著照所議行。欽此。遵

旨議定。

圓明園八旗。及外火器營健銳營。均建設中營地方。查中營五汛。共計無馬馬兵五百四十名。內圓明園汛兵一百名。

暢春園汛兵一百名。樹邨汛兵一百名。此三汛共兵三百名。

圓明園八旗人數。較火器健銳二營。多至加倍。且俱近在該三汛地方。即咨取

圓明園八旗之間散。挑補滿洲二百四十名。蒙古六十名。其

樂善園汛計兵一百二十名。即咨取附近之火器營閒散。挑補滿洲九十六名。蒙古二十四名。

靜宜園汛計兵一百二十名。即咨取附近之健銳營閒散。挑補滿洲九十六名。蒙古二十四名。如此均勻派撥。不惟該兵丁當差就近。而外三營之閒散子弟。亦於生計均有裨益。其南北左右四營。即以京城八旗就近均勻派撥。亦無偏枯寫遠之慮。南營六汛。共計無馬馬兵五百二十名。內迤東之東珠市口。東河沿花兒市三汛。共計兵二百六十名。就近咨挑正藍旗滿洲閒散

二百零八名。蒙古閒散五十二名。迪西之西珠市口。西河沿菜市口。三汛。共計兵二百六十名。就近咨挑鑲藍旗滿洲閒散二百零八名。蒙古閒散五十二名。北營四汛。共計無馬馬兵三百二十名。內迪東之朝陽東直二汛。計兵一百六十名。就近咨挑鑲黃旗滿洲閒散一百二十八名。蒙古閒散三十二名。迪西之安定德勝二汛。計兵一百六十名。就近咨挑正黃旗滿洲閒散一百二十八名。蒙古閒散三十二名。左營四汛。共計無馬馬兵三百二十名。內迪南之左安廣

渠二汛。計兵一百六十名。就近咨挑鑲白旗滿洲閒散一百二十八名。蒙古閒散三十二名。迤北之河陽東便二汛。計兵一百六十名。就近咨挑正白旗滿洲閒散一百二十八名。蒙古閒散三十二名。右營四汛。共計無馬馬兵三百名。內迤南之永定廣甯二汛。計兵一百五十名。就近咨挑鑲紅旗滿洲閒散一百二十名。蒙古閒散三十名。迤北之西便阜成二汛。計兵一百五十名。就近咨挑正紅旗滿洲閒散一百二十名。蒙古閒散三十名。以上各按營汛地方。指定旗分。

分額陸續挑補。以足二千名之數。其餘均照前奏章程辦理。○十九年奏准。添練另戶步甲技勇。每旗滿洲揀選四十名。蒙古揀選十名。共四百名。分為四場。教演鳥槍兵八十名。其餘教練長槍腰刀等項技藝。設立金頂領催八名。六品頂戴領催二名。技藝精熟者。每年保送委步軍校一人。○二十五年奏准。八旗滿蒙另戶步甲二千九百五十七缺。挑補未能足額。將遺缺挑補內務府三旗閒散充當。○道光十六年

諭。嗣後九門門甲。如因病出缺。或挑補別項差使者。仍

照向例於門軍挑補。其緣事革退及撥旗之缺。即著於步軍統領衙門教練步甲內挑補。○二十一年

諭。奕經等奏覈議召募步甲章程一摺。所稱召募步甲。取具的保切結。並將結保各官。隨冊聲明。儻有來歷不明。及匪徒冒充等事。別經發覺。將出具的保之步甲領催等從重治罪。其率行出結各員。隨案分別叅辦。俱著照議辦理。仍責成步軍統領總兵隨時認真稽查。如有前項情弊。一經發覺。惟該堂官是問。○又諭。烏槍為軍中利器。現在五營槍兵。僅止一千名。為數較少。著再添設槍兵一千名。所有原設之藤牌等兵

三百个十三名。均著裁撤。改為槍兵。其不敷之兵。即在各營差防兵丁內。擇其年力精壯者。揀選六百十七名。以足一千之數。○二十二年奏准。酌改另戶步甲錢糧。以二缺歸併為一缺。作為技勇兵名目。共抽另戶步甲三千五百二十八缺。歸併挑補。技勇兵一千七百六十四缺。專挑八旗滿洲蒙古正身旗人充當。按旗挑補。分在技藝場教練。鳥槍長槍腰刀弓箭。專以操演為事。並設立領催旗長什長專缺。即就步軍營予以升途。一切公費。均由現時技藝場所得利銀籌辦。毋庸另

議增添。其派在

壇

廟及各門並

內大班當差之另戶步甲。差使緊要。俱按佐領酌留另戶步甲八百八十三缺。按旗挑補。如不足額。仍由內務府三旗閒散借挑。○又奏准。門甲缺出。先儘門軍挑補。其駁旗之缺。以各該旗馬甲對調。如門甲內有年力精壯。准其調入場內操練。遺缺將學無成效之技勇兵調補。或咨取養育兵閒散挑補。○又奏准。挑取步甲內有年

未及歲者。令其在場附學。俟及歲後。挑補技勇
兵錢糧。再令其入隊合操。○二十四年

諭。此項門甲。嗣後遇有缺出。著照所議。先儘本門軍
及本旗滿洲蒙古另戶步甲挑補。毋庸以馬甲調換。
○又奏准。巡捕五營馬兵二千名。以一千名作
為滿洲蒙古額缺。滿洲挑補八成。蒙古挑補二
成。以馬兵一千名。作為漢軍包衣額缺。無論有
馬無馬。與滿洲蒙古。合為旗馬兵二千名之額。
漢軍包衣戰兵。定為六百名額缺。現在滿洲蒙
古馬兵尚未足額。馬兵缺出。儘數以滿洲蒙古

先為挑補。如各該旗實係咨送無人。及弓馬生疏。不得其人。始得以民戰兵挑補。漢軍包衣馬戰兵缺。現時逾額。遇有馬兵缺出。扣歸滿洲蒙古挑補。戰兵缺出。即將民兵挑補。總以扣還挑補足額。即各歸各缺。以符定制。○咸豐元年奏准。技勇營弁兵。除按期操演外。令隨同八旗地面官兵當差。○又奏准。將巡夜兵八百名。改為另戶步甲。仍以八旗間散挑補。分在各旗堆撥更房當差。仍挑補別項差使。以符舊章。○三年奏准。嗣後遇有步甲守兵缺出。由兩翼翼尉五

營將官。召募大興宛平二縣土著確有來歷之人。帶赴步軍統領衙門。由兩翼總兵親身驗看挑補。○七年奏准。將召募民人步甲內。抽出三千二百缺。改為二兩正身步甲二千四百缺。每名每季。即按二兩支領甲米。專以八旗閒散旗人挑補。每旗滿洲一百五十名。蒙古六十名。漢軍九十名。此項二兩正身步甲。先儘八旗滿洲蒙古漢軍現在另戶步甲挑補。所有現時查出空額。並各旗呈報出缺未挑之步甲一千六百餘缺。即以八旗閒散旗人挑補。統俟二兩正身

步甲二千四百名。並另戶步甲挑補足額後。續有步甲缺出。以招募民人充補。○又

諭。前因端華等奏。查出八旗步甲空缺。共有一千五百餘名。當交步軍統領衙門確查挑補。八旗步甲。各有守衛之責。豈容缺額久懸。虛糜糧餉。既據查明缺額數目相符。即照所議章程。挑補足額。○十年奏准。召募步甲缺出。仍歸兩翼翼尉。按月隨時挑補。○

十一年

諭。所有中北兩營。召募修墊土道民兵。著自本年二月起。全行裁撤。其園庭一帶。原設步軍營八旗步甲。著

自本年二月起。裁撤七百三十六名。仍留一百八名。常川看守。以節糜費。○又奏准。將撥在堆撥當差之步甲三千六百六十五名內。酌留八百一名。赴官廳該班。其餘步甲二千八百六十四名。及從前由步甲改併二兩另戶步甲。原額一千三百三十六名。均行裁撤。歸併錢糧。改挑技勇兵。計得二千一百名。又前裁撤墊道民兵一百六十名。

圓明園該班步甲七百三十六名之錢糧米石。仍行添復。並將現在酌留

圓明園該班步甲一百八名裁撤。即以此項錢糧米石歸併。改挑技勇兵。計又得五百二名。與舊設之技勇兵二千四名。共計四千六百六名。分撥各堆。按班當差。計每班每堆技勇兵三名。尚敷周轉。所食錢糧米石數目。與舊設步甲額缺二萬三千一百二十一名之數。亦屬相符。○又奏准。添設技勇兵二千六百二名內。挑補滿洲一千五百九十七名。蒙古五百三十七名。其餘四百六十八名。即由八旗漢軍挑補。以昭平允。○又奏准。二兩另戶步甲裁撤後。內外各門門

甲缺出。改由各門一兩五錢另戶步甲。並漢軍步甲領催門軍等挑補。○又奏准。二兩另戶步甲內。如有步射平常。不能改歸技勇兵者。即以一兩五錢另戶步甲充補。○又奏准。新添技勇兵。先儘二兩步甲。及一兩五錢另戶步甲。並咨取各旗養育兵閒散挑補。如本旗不敷挑補。即以別旗養育兵閒散借挑。○又奏准。技勇兵仿照舊章。添設虛銜委步軍校二員。六品領催二十員。金頂領催四十員。均食本身兵缺錢糧。○同治元年奏准。召募步甲缺出。仍歸兩翼總兵

親身驗看。如有年貌花名不符。即將該旗保送之員。照例懲處。俟挑補後。責成兩翼翼尉等官。隨時稽查。一有冒名頂替等弊。即據實稟明究辦。儻敢扶同隱諱。別經發覺。從嚴叅處。○又奏准。八旗召募步甲缺出。如滿洲蒙古人數不敷挑補。即行文八旗漢軍。咨取正身之人。保送挑補。以足兵額。○六年奏准。技勇兵缺出。除照例行文八旗咨取外。一併行文

圓明園八旗。內務府三旗。咨取養育兵閒散幼丁備挑。由內務府三旗挑取之技勇兵。分撥步軍

營地面當差。仍歸技勇營管轄。儻有冒名頂替。雇覓代挑情弊。即將該佐領管領領催等。嚴叅究辦。○又奏准。添設虛銜委步軍校。每旗滿洲蒙古各一員。漢軍二員。均在六品領催內拔補。○又奏准。將八旗滿洲蒙古舊設六七品領催。統歸滿洲。每旗添設蒙古六品領催二名。七品領催四名。漢軍除舊設領催外。再添設六品領催四名。七品領催一名。○又奏准。內務府三旗挑補步甲。無論另戶召募。均准挑取技勇兵。○又奏准。召募步甲缺出。即行文內務府。咨取三

旗間散。並責成兩翼翼尉。自行募人。由兩翼總
兵挑補。

